



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am



Համաժողովրդական անժամկետ շարժում Արցախում

Հուլիսի 13-ի երեկոյան Արցախի Հանրապետության պետական Նախարար Գուրգեն Ներսիսյանը հանդես է եկել համաժողովրդական պայքարի կոչով: «Աղբյուրների կողմից Արցախի ժողովրդին պատանդառելու և Հայաստանի հետ կապող ճանապարհը արգելափակելու հետևանքով հումանիտար իրավիճակն Արցախում օր օրի վատանում է, իսկ այսպես շարունակվելու դեպքում ունենալու ենք ծանր ու անդառնալի հետեանքներ, որը մենք թույլ տալ չենք կարող, ուստի վաղվանից սկսում ենք համաժողովրդական անժամկետ շարժում», - իր կոչում նշել է պետնախարարը:

Հաջորդ օրը՝ հուլիսի 14-ին, Ստեփանակերտի Վերածննդի հրապարակում մեկնարկել է բազմահազարանոց հանրահավաքը Արցախի ապաշրջանադարձման պահանջով:

Հանրահավաքին մասնակցում էին նաև Արցախի Հանրապետության Նախագահ Արայիկ Հարությունյանը, Ազգային ժողովի Նախագահ Արթուր Թովմասյանը, օրենսդիր և գործադիր իշխանությունների ներկայացուցիչները:

Ներկաները միացել են Շոշկավանքի և շրջակա գյուղերի հոգեւոր հովիվ Տեր Ներսես Գարեգին Ասրյանի միասնական աղոթքին, որից հետո Տեր Ներսեսը հանդես է եկել ելույթով:

«Խոսքս պետք է սկսեմ առանց Նախաբանի՝ մեր պատմությանը հետադարձ հայացքով, հատկապես՝ վերջին հազարամյակներին, որին ինչ-որ առումով կարելի է բնորոշել՝ որպես կորուստների մի պատմություն: Ժամանակ առ ժամանակ մեր հսկայական հայրենիքից պարբերաբար հատվածներ ենք կորցնում, մեզ համար նվիրական հայրենիքի մասեր: Որոշ մասը կորցրել ենք ծանր պայքարի մեջ, բայց երբեմն այն գիջել ենք ինչ-որ առումով՝ հուսալով, որ մեզ հանգիստ կթողնեն, վերջապես խաղաղություն կունենանք: Եվ հետո սկսել ենք մեր կորցրած հայրենիքի տեղանուններով, իբրև սփոփանք՝ խանութներ, հացատներ, փողոցներ և այլ օբյեկտներ անվանակոչել, կարոտաբաղձ երգեր հորինել. սա ինքնախաբեություն է», - նշել է Ներսեսը քահանա Ասրյանը:

Նրա խոսքով՝ այսօր կանգնած ենք ճակատագրական պահի, բայց պետք է գիտակցենք, որ ուրիշ Արցախ այլևս չենք կարող ունենալ, ոչ մի բան չի կարող փոխարինել մեր հայրենիքին, ինչպես որ վաղը ոչ մի բան չի կարող փոխարինել Սյունիքին, Տավուշին, Գեղարքունիքին, Հայաստանին:

«Մենք վերջապես պետք է հասկանանք, որ մեր թշնամու համար բացարձակապես նշանակություն չունեն մեր քաղաքական Նախասիրությունները, կուսակցական պատկանելությունը, կրոնական, դավանական հայացքները, մեզ ցանկանում են վերացնել՝ որպես տեսակ, և բռնազավթել մեր հայրենիքը, իսկ մեր մնացորդը լավագույն դեպքում պետք է վերածվի աշխարհով մեկ սփռված նորօրյա գնչուների՝ գուրկ արմատներից, հայրենիքից ու ազգային արժանապատվությունից», - ասել է Տեր Ներսես քահանա Ասրյանը:

Նա նշել է, որ այսօր ժամանակն է վերջապես հասկանալ այս իրողությունը, ու այս իրողության շուրջ կարողանալ համախմբվել: «Այո, ծանր է մեր վիճակը, բայց անհույս վիճակներ երբեք չկան, երբ որ ազգը համախմբված է՝ հույսը դնելով բացառապես իր և Աստծո վրա», - նշել է նա:

Վերածննդի հրապարակում ելույթ է ունեցել նաև ԱՀ մարդու իրավունքների պաշտպան Գեղամ Ստեփանյանը: Նրա խոսքով՝ Արցախի 7 ամիս շարունակվող ամբողջական շրջափակումը հասել է օրհասական կետի, երբ լրջագույնս վտանգված է 120 հազար մարդու, այդ թվում՝ 30 հազար երեխաների, 20 հազար տարեցների կյանքը:

«Երբ այլևս մի ողջ ժողովրդի գլխին կախված են գոյաբանական սպառնալիքներ, որոնք անհերքելի են և ընդգծված: Գտնվելով շրջափակման մեջ և հունիսի 15-ից ամբողջությամբ կտրվելով հումանիտար հասանելիությունից՝ մեր ժողովուրդը կանգնել է թերսուղեման, սովի, Աղբյուրների կողմից անթաքույց իրականացվող էթնիկ գտնման, բռնի հպատակեցման և ցեղասպանության իրականացման անհերքելի սպառնալիքի ներքո:

Այսօր ահազանգի կոչնակը ինչեցնելու հերթական պահն է: Դիմում եմ միջազգային հանրության բոլոր դերակատարներին. Մարդու իրավունքները, ասում եք: Ուրեմն՝ ասեք ինձ՝ ես ինչպե՞ս նայեմ այս ժողովրդի աչքերին և ասեմ, որ իրենք էլ ունեն իրավունքներ: Ես ինչպե՞ս նայեմ թերսուղեման մեջ գտնվող հղի կնոջ աչքերին, որի երեխան կարող է արատներով ծնվել: Ես ինչպե՞ս նայեմ այն մայրերի աչքերին, որոնց օրվա ամենամեծ երազանքը իրենց երեխայի համար մի բուռ միրգ կամ քաղցրավենիք հայթայթելն է:

Ես ինչպե՞ս նայեմ հերթերում կանգնած հազարավոր մարդկանց աչքերին, որոնք ժամերով հերթ են կանգնում մի բուռ շաքարավազ կամ ձեթ ստանալու համար: Եվ վերջապես, ես ինչպե՞ս նայեմ այս հողակտորի համար

իր ամենաթանկը տված, զոհվածի մոր աչքերին, որն ահաբեկված աչքերով նայում է ինձ՝ վախենալով, որ կկորցնի իրեն մնացած վերջին սրբությունը՝ որդու գերեզմանը:

Ես ուզում եմ, որ դուք նայեք նրանց աչքերին, դուք պատասխանեք նրանց, որովհետեւ ես այլևս պատասխաններ չեմ գտնում: Գեղեցիկ ու շքեղ դահլիճներում մարդու իրավունքներից խոսելը մի բան է, այդ իրավունքների պաշտպանությունը գործնական քայլերով ապացուցելը՝ մեկ այլ բան:

Մտահոգված ենք, խիստ մտահոգված ենք, խորապես մտահոգված ենք, կոչ ենք անում և նմանատիպ այլ հայտարարություններ:

Բավ է, հերիք է: Մինչ դուք մերկապարանոց մտահոգություններ եք հայտնում, 120 հազար մարդ մատնվում է անմարդկային զրկանքների», - ասել է Գեղամ Ստեփանյանը:

Նա նաև դիմել է ռուս խաղաղապահներին, որոնց 2020 թվականի եռակողմ հայտարարությամբ վերապահվել է Արցախի ժողովրդի կյանքի իրավունքի և ֆիզիկական գոյության հիմնական երաշխավորի դերը: «Մեզ խաղաղություն էր խոստացվել: Խաղաղությունը ամեն օր տեղեկագրերում հրադարձի ռեժիմի խախտումների արձանագրումը չէ: Խաղաղությունը ամենօրյա հաց հայթայթելով ֆիզիկական գոյություն քարշ տալը չէ, խաղաղությունը սեփական հայրենիքում պատանդառված և ամեն ինչից զրկված լինելը չէ: Խաղաղությունը ամեն օր հոգեբանական հարձակումների և մեզ վրա թափվող անորոշությունները չեն: Տե՛ր կանգնեք ձեր մանդատին՝ ապահովելու իրական խաղաղություն, ապահովելու բարեկեցիկ կյանք, որ խոստացել եք մեր ժողովրդին ամենաբարձր մակարդակով»:

Նա դիմել է նաև Հայաստանի ժողովրդին. «Ինչպես միշտ, այս անգամ էլ կանգնեք՝ ի պաշտպանություն Արցախի, մենակ մի՛ թողեք Արցախում ապրող հային իր սրբազուն երազանքի հետ մեն միայնակ»:

Դիմելով Սփյուռքում ապրող մեր հայրենակիցներին, Գեղամ Ստեփանյանը խնդրել է վեր ելնել՝ կանխելու հայ ժողովրդի նոր ցեղասպանությունը, պարտադրելու աշխարհին գո՛նե այս անգամ պատասխանատվություն ստանձնել հայի ճակատագրի համար:

Ստեփանյանը շարունակել է՝ եթե աշխարհի շատ ժողովուրդների պետությունն ու պետականությունը մատուցվել է սկուտեղի վրա, ապա Արցախը վաստակել է իր ինքնորոշման իրավունքը: → 2

